

Class 602 - Set Piece for 3rd Year Students

Les Lions à la Leune par Geraint Jennings

Y'a des lions à la Leune auve des crîngnaches d'argent,
tch'y jopîntent à l'entou des rotchièrs et cratéthes.
Nou les vait dans ses rêves auve lus grîns et lus dents,
et i' trique-pâssent partout chu gris ponsi leunaithe.

Mais la balle du Solé est grée d'jaunes éléphants
à fliamber en êcanchant des caudes calipettes.
Ch'est un radgîn dé millions dé vièrs égaluants,
tch'ont des d'fenses d'or brûlant et des trompes en trompette.

Quand les lions à la Leune ouaient l'solé à côner,
i' siquenaûdent à lus tou du but des cônes leunées
où'est qu'i' châquent lus crîngnaches, en m'nichant d'avrôner
les gêngnaûdes d'éléphants dans ch't' espace d'sareunée.



Go to the Learn Jèrriais website to find the audio version of this...

www.learnjerriais.org.je

